



Rabu, 7 Juli 2021

Ogen: Lukas 14:28-30



“Anggarken Biaya”



Melala kel manusia ndahiken dahinna alu mekarus ras merangap. Lit piga-piga alasenna : gelah meter dung, gelah banci dat untung galang ras gelah banci icap mehaga ibas dahinna e. Hal enda tentu jadi dalan-dalanna engkai maka hasil pendahin e mekatep la sesuai arah sura-sura pemena ndahiken dahin e. Renungenta sendah mabai kita gelah erdahin alu ngukuri kerna anggaren biaya (merancang biaya) ibas menaken dahinta. Lukas 14:28-30 enda ngajarken kita guna ncukupken biaya ibas sada sura-surata dingen mereken sada tanggung jabab man banta gelah arah anggaren biaya siirancang e, sura-surata ndai pe tersehi banci jadi pasu-pasu. Pernah nge kita menaken dahinta alu ngangarken biaya gelah banci terdungi sada sura-sura? Anding-andingen bas teks enda ipeseh Jesus guna jelma sinterem ia kerina banci ngukuri bana, enda me jadi salah sada sarat ibas jadi ajar-ajar Jesus. Nggo nge kita siap kerna si e?

Kinatana, kalak si ngukuri kerna anggaren biaya, kerna ngerancang kerna sura-sura pendahinna, biasana ulihna pe tersehi alu mehuli. Dikune gia asilna la kel bagi sura-sura tapi bekas pendahinna e mabai kemalemen ate. Nina, *alah bisa karena biasa*”, Dibata sinampati kita ibas proses ndungi kerna sura-surata e. Nggangarken biaya e, mpersingeti kita gelah sieteh kapasitasta ndalanken dahinta, galang ntah kitik, bias ntah lang, banci siban ermacam-macam ntah sada macam saja, ras sidebanna. Ula mbiar, Dibata pasti ncukupken kerna sura-surata adi kita si ikutken Ia bas ngerancang, ndahiken ras mpeseh sura-surata e.

 *Kai pe sidahiken kita siukurken alu mbages, tutus ndahikenna*